

Broj: 05-30/1-366/24
Sarajevo, 31.01.2024. godine

Na osnovu člana 56. Zakona o organizaciji organa uprave u Federaciji BiH ("Službene novine Federacije BiH", broj: 35/05) i člana 34. stav (1) Zakona o radu ("Službene novine Federacije BiH", br. 26/16, 89/18 i 44/22) u vezi sa članom 47. Zakona o državnoj službi u Federaciji BiH ("Službene novine Federacije BiH", br. 29/03, 23/04, 39/04, 54/04, 67/05, 8/06, 4/12, 99/15 i 9/17 – Presuda Ustavnog suda Federacije Bosne i Hercegovine, broj: U -13/16), federalni ministar za pitanja boraca i invalida odbrambeno-oslobodilačkog rata/federalni ministar za pitanja branitelja i invalida domovinskog rata, **o b j a v l j u j e**

JAVNI POZIV

za prijem lica na stručno osposobljavanje, bez zasnivanja radnog odnosa u Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata

1. Lica na stručnom osposobljavanju 10 (deset) izvršilaca

Uslovi: Pored općih uslova predviđenih članom 25. stav 1. Zakona o državnoj službi u Federaciji BiH ("Službene novine Federacije BiH", br. 29/03, 23/04, 39/04, 54/04, 67/05, 8/06, 4/12, 99/15 i 9/17 – Presuda Ustavnog suda Federacije Bosne i Hercegovine, broj: U - 13/16), kandidati trebaju ispunjavati i posebne uslove, i to:

VSS - VII stepen, diploma visokog obrazovanja pravne ili upravne struke, Ekonomski fakultet ili drugi fakultet društvenog smjera, odnosno visoko obrazovanje prvog, drugog ili trećeg ciklusa bolonjskog sistema studiranja tražene struke sa ostvarenih najmanje 180 (stotinuosamdeset) ETCS bodova - 10 (deset) izvršilaca

Uz prijavu sa tačno navedenom adresom stanovanja i kontakt telefonom kandidata potrebno je dostaviti sljedeće dokumente (originali ili ovjerene kopije - ne starije od tri mjeseca) i to:

1. Fakultetska diploma,
2. Uvjerenje nadležne službe za zapošljavanje da se kandidat nalazi na evidenciji Zavoda za zapošljavanje,
3. Prosjek ocjena po završetku studija.

Dopunski kriteriji za prednost pod jednakim uslovima:

1. Dokaz o pripadnosti branilačkoj/braniteljskoj populaciji.

Procedura prijema kandidata - lica na stručno osposobljavanje vršit će se prema Procedurama o jedinstvenim kriterijima i postupku izbora i prijema kandidata – lica na stručno osposobljavanje, VII stepena stručne spreme u organ državne službe u Federaciji Bosne i Hercegovine.

Komisija za izbor kandidata - lica na stručnom osposobljavanju Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata, sastaviti će test provjere općeg znanja kandidata.

Na web adresi Ministarstva – www.fmbi.gov.ba će biti objavljen pregled literature za polaganje pismenog testa provjere znanja kandidata, kao i lista kandidata – lica za stručno osposobljavanje koji ispunjavaju uslove za polaganje pismenog testa provjere kandidata.

Za kandidate koji ispunjavaju uslove iz Javnog poziva za prijem lica na stručno osposobljavanje u Federalnom ministarstvu za pitanja boraca i invalida odbrambeno – oslobodilačkog rata/Federalnom ministarstvu za pitanja branitelja i invalida domovinskog rata, na web adresi ovog ministarstva – www.fmbi.gov.ba bit će objavljen dan, vrijeme i mjesto polaganja pismenog ispita.

Kandidati koji polože pismeni test provjere znanja, pristupit će usmenoj provjeri znanja, na način da će se obaviti intervju sa kandidatima. Dan, vrijeme i mjesto intervju bit će objavljeni na web adresi ovog ministarstva – www.fmbi.gov.ba.

Rezultate polaganja testa provjere općeg znanja kandidata, kao i Procedure o jedinstvenim kriterijima i postupku izbora i prijema kandidata – lica na stručno osposobljavanje, VII stepena stručne spreme u Federalnom ministarstvu za pitanja boraca i invalida odbrambeno-oslobodilačkog rata, kandidati mogu pronaći na web adresi ovog ministarstva – www.fmbi.gov.ba.

Potrebne dokumente treba dostaviti najkasnije 15 dana od dana objave Javnog poziva, u dva dnevna lista (računajući od posljednje objave), putem pošte preporučeno na adresu:

**Federalno ministarstvo za pitanja boraca i invalida odbrambeno-oslobodilačkog rata/
Federalno ministarstvo za pitanja branitelja i invalida domovinskog rata
Ul. Hamdije Čemerlića br.2
71000 Sarajevo**

Sa naznakom:

"Javni poziv za prijem lica na stručno osposobljavanje"

Nepotpune i neblagovremene prijave neće se uzimati u razmatranje.

Napomena: Kandidat se prima na stručno osposobljavanje za samostalni rad, bez zasnivanja radnog odnosa na period od 1 (jedne) godine, a ima pravo na naknadu u iznosu od 35% od osnovne plaće stručnog saradnika u skladu sa članom 26. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", br. 45/10, 111/12 i 20/17).

MINISTAR

Nedžad Lokmić

